

# FLETA E FAKTEVE: MITE TË ZAKONSHME RRETH DHUNËS KUNDËR GRAVE

MITI  
1

**BURRAT DUHET TË MARRIN VENDIME DHE TË MARRIN NËN KONTROLL MARRËDHËNIET.**

**FAKT: Dhuna është më e zakonshme në familjet dhe në lidhjet ku burrat kontrollojnë vendimmarrjen, dhe më pak në ato lidhje ku gratë kanë një shkallë më të madhe pavarësie.**

Bindja se burrat dhe gratë kanë role ose karakteristika të ndryshme (qoftë në marrëdhëniet e tyre apo në shoqëri në përgjithësi) njihet si stereotip. Studimet ndërkombëtare kanë treguar vazhdimisht se besimi në këta stereotipa është një prej parashikuesve kryesorë të dhunës. Pra, individët që kanë këto bindje kanë më shumë të ngjarë të kryejnë dhunë kundër grave dhe vendet ku stereotipi gjinor është më i pranueshëm kanë nivele më të larta dhune kundër grave.

Ne e dimë se dhuna është më pak e zakonshme në shoqëritë ku burrat dhe gratë janë më të barabartë në marrëdhëniet e tyre dhe ku nuk pritet që ata të luajnë role të ndryshme bazuar në gjininë e tyre. Barazia më e madhe dhe rolet gjinore më fleksibël u japin të gjithëve më shumë mundësi për të zhvilluar kapacitetin e tyre të plotë.

MITI  
2

**DHUNA NË FAMILJE ËSHTË E PRANUESHME NËSE DIKUSH ZEMËROHET AQ SHUMË SA HUMB KONTROLLIN.**

**FAKT: Dhuna kundër grave është diçka më shumë sesa thjesht humbje e gjakftohtësisë.**

Nuk ka justifikime për sjellje të dhunshme. Asnjëherë. Dhuna shkaktohet nga qëndrimi i një individi kundër grave dhe qëndrimet sociale që thonë se dhuna e burrave kundër grave është e pranueshme.

MITI  
3

**NËSE DUAN, GRATË MUND TË LARGOHEN NGA NJË LIDHJE E DHUNSHME.**

**FAKT: Gratë janë në rrezik dhune ekstreme, duke përfshirë edhe vrasjen, kur përpiqen të largohen ose pasi janë larguar nga një lidhje e dhunshme. Për gratë është jashtëzakonisht e vështirë të largohen nga një lidhje e dhunshme për shkak të frikës për sigurinë e tyre dhe për sigurinë e fëmijëve.**

Nuk duhet të fajësojmë gratë për dhunën nëse ato nuk largohen.

Ky propozim është zhvilluar si pjesë e projektit "CHALLENGE Family Violence", një partneritet mes Qytetit të Casey, Bashkisë së Cardinia Shire, Qytetit të Greater Dandenong dhe Monash Health. Ky projekt është financuar sipas programit të granteve "Reducing Violence against Women and their Children" (Reduktimi i dhunës kundër grave dhe fëmijëve të tyre), pjesë e "Community Crime Prevention Program – local solutions for local crime prevention issues" (Programi për Parandalimin e Krimit në Komunitet - zgjidhjet lokale për çështjet e parandalimit të krimit lokal) nga Qeveria e Viktorias.



# FLETA E FAKTEVE: MITE TË ZAKONSHME RRETH DHUNËS KUNDËR GRAVE



## GRATË KANË MË SHUMË MUNDËSI TË PËRDHUNOHEN NGA NJË I PANJOHUR NË NJË VEND PUBLIK.

**FAKT: Si burrat ashtu edhe gratë kanë më shumë të ngjarë të ngacmohen seksualisht nga dikush që e njohin sesa nga një i panjohur.**

Sipas Zyrës Australiane të Statistikave, 15 përqind e grave dhe 3 përqind e burrave të moshës 18 vjeç e lart janë ngacmuar seksualisht nga një person i njohur. Kjo krahasuar me 3,8 përqind e grave dhe 1,6 përqind e burrave që janë ngacmuar seksualisht nga një i panjohur.

Miti i rrezikut të të ngacmuarit seksualisht nga të panjohurit, është një prej arsyeve pse gratë ngurrojnë të raportojnë një sulm seksual të kryer nga një person i njohur. Ato mund të kenë frikë se askush nuk do t'i besojë, ose se ato e kanë inkurajuar autorin e sulmit në një farë mënyre. Pas rënies së këtij miti, gratë do të jenë më të gatshme të dalin përpara dhe të raportojnë sulmet nga një person i njohur.



## SHUMË GRA BËJNË DEKLARIME TË RREME RRETH DHUNËS NË SHTËPI APO SULMEVE SEKSUALE.

**FAKT: Deklarimet e rreme të dhunës në shtëpi apo sulmeve seksuale janë jashtëzakonisht të rralla.**

80 përqind e grave që pësojnë dhunë nga partneri aktual nuk kontaktojnë me policinë për dhunën.

E njëjta gjë është e vërtetë me ngacmimet seksuale: 80 përqind e grave nuk i raportojnë ngacmimet seksuale në polici.

Mund të jetë shumë e vështirë për gratë që t'i tregojnë dikujt për dhunën, prandaj është e rëndësishme që t'u besojmë atyre.

### Burimi:

Our Watch. (2015). Myths about violence. Retrieved from [www.ourwatch.org.au/Understanding-Violence/Myths-about-violence](http://www.ourwatch.org.au/Understanding-Violence/Myths-about-violence)

Ky propozim është zhvilluar si pjesë e projektit "CHALLENGE Family Violence", një partneritet mes Qytetit të Casey, Bashkisë së Cardinia Shire, Qytetit të Greater Dandenong dhe Monash Health. Ky projekt është financuar sipas programit të granteve "Reducing Violence against Women and their Children" (Reduktimi i dhunës kundër grave dhe fëmijëve të tyre), pjesë e "Community Crime Prevention Program – local solutions for local crime prevention issues" (Programi për Parandalimin e Krimit në Komunitet - zgjidhjet lokale për çështjet e parandalimit të krimit lokal) nga Qeveria e Viktorias.

